

Համեմատ հրամանի տէրութեանը թուղթս նաւեցի դէպ ի Մագրասս ի ձեռն Շամիրամ աղային, որ նա յայնմանէ առաքեսցէ առ ձեզ: Նոքն գունակ խնդրեմ ի սիրոյդ, զի կաթողին ողջոյն սիրոյ իմոյ մատուցես անծանօթին իմոյ Քաղզէոս աստուածիմաստ վարդապետին, որոյ համբաւ հանճարոյ մինչև աստ տարածեալ է: Յոյս մեծ ունիմ ի տեսնել, որ զմինդ այդ ի յերկոտասան լրացի: Մանաւանդ ողջոյն ձօնեմ այլոց ամենեցուն, որք մտերմաբար ծառային տէրութեան քում:

Յաւելում ասել թախծագին դիմօք երեսանկեալ աղաչեմ, զի զթուղթս զայս նաև զայն, զոր յառաջնմէ գրեալն էի ի 1787 զկնի ընթեռնույդ և զհանգամանացն տեղեկանալուդ հրաման արասցես, զի թարգմանիցեն ի Ֆրանսիզաց լեզու, զի այլազգիք բազումք են այդր, տեսանիցեն և ընթերցեն: Նաև մեծամեծք ոռուտաց, որք հմուտ են լեզուին այն, հանդերձ թագուհեաւ, գրեթէ ի սիրտ զգալով, ծանիցեն և գթասցեն յիմանալ զցաւ և զհիւանդութիւն ազգին քում, մանաւանդ զմեզմ մտերմութիւն նոցին ապաւինեալ առ թագուհւոյն մեծի և իշխանաց նորին:

Զի այսպէս արարեալ ձեր յայտնի տեսանես զքեզ առաւելեալ ի փառս և ի պատիւս, քան զոր ներկայ: Յայնժամ դիւրաւ և կանուխ յառաջացի, զոր ինչ խորհուրդ ի սրտի ունիս, առանց թոյլ տալոյ և վաղարկելոյ հաճեալ կատարեսցեն նոքա, վասն որոյ մաղթեմ ի հայրախնամ սիրոյդ, զի մի անտես առասցես զմեզ ի գործոց մերոց և մի երբէք զիցես ի մտի փքացում իմն եղեալ յինչն, և փանաքի<sup>26</sup> հաղուեալ արհամարիցես, աւել հերիք:

Կրկին ողջ լեր ի փառս և ի պարծան մեր:

Ն[ուսաս] ծ[առայ] Է[մին] Յ[ովսէփ] Էմինեանց  
1792, յունվար մեկ: Երկրորդ օրինակ:

Վիեննայի Մխիթարյան միաբանության մատենադարան,  
ձեռ. № 694, փաստաթուղթ ԺԹ:

№ 3

Հովսեփ Էմինի նամակը և հետգրութիւնը Հովհաննէս Լազարյանին  
(1791 թ. 24 դեկտեմբերի և 1792 թ. 1 հունվարի)

Ազնուական իշխանաց իշխան աղայ Յովաննէս Աղազարեանին,  
խանդակաթ սիրով ողջոյն մատչի:

Ի մեծի և անհամար հարստութենէ քումէ և հռչակեալ ընդ ամենայն տեղիս ի պայծառ և բարեբարոյ համբաւոյ քումէ երկայնամիտ լեր ի յօգուտ տառապեալ ազգիդ խնայեալ, ողորմեալ նոցա առ ի լինիլ յիշատակ արձանագիր յաւիտեան:

Քանզի ի յսինջ մեր վասն կառուցեալ եկեղեցոյ ի մեծահամբաւ իշխանութենէդ, որ ի Սանպետրոբօլք և օժմամբ սրբազան Յովսէփայ առաջնորդի, յոյժ ուրախացար: Առաւել ևս ուրախ լինէաք, եթէ գումարեալ և հաստատեալ իցէիք գունդ մի զօրաց յազգէս Հայոց, հրամանաւ ողորմած թագուհւոյն հրովարտակ ընկալեալ և անդրէն սուրհանդակաւ յղեալ ի Զուլայ, որ էի յառաջն իբրև ամս ութ, յորմէ երկիցս կամ երիցս ծանարտակ<sup>27</sup> գրեցի առ ձերդ մեծաշուք իշխանութիւնս վասն շուելոյս առ այդր և առ ի ծառայութիւն նորին տ[ի] եղբերակալ միահեծան տէրութեան, և ապա ի վաղուց տեսանէիր զրոյր Հայաստան ազատ ի ծառայութենէ, ըստ որում գրէ սրբազանագունեղ առաքելաշաւիղ ազնուական Յովսէփ եպիսկոպոս. «Եթէ դու ի միջոցի այնմիկ լինիցէիր ի կողմունս այս, թարց իմիք երկբայութեան փրկութիւն լինելոց էր ազգին մերոյ»: Եւ այն, որ այսօր այսչափ ոչ զգայար, որպէս այժմ զգամբ վասն դիպմանցն պատահելոց, որ ոչ միայն քեզ եղև